



Broj: 07-11-327/24
Vogošća, 26.04.2024. godine

Na osnovu člana 70. stav 3. i člana 100. stav 3. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a nakon zaprimanja Žalbe ponuđača "Industroprojekt" a.d. Prijedor broj: 01-280/24 od 26.04.2024. godine, Općinski načelnik dana 26.04.2024. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE PROJEKTNE
DOKUMENTACIJE ZA IZGRADNJU, REKONSTRUKCIJU I SANACIJU PUTEVA NA
PODRUČJU OPĆINE VOGOŠĆA**

Član 1.

Ponuda ponuđača "Industroprojekt" a.d. Prijedor, ulica Vožda Karađorđa broj 14. Prijedor, odabrana je za pružanje usluge izrade projektne dokumentacije za izgradnju, rekonstrukciju i sanaciju puteva na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 21.999,96 KM bez uračunatog PDV-a, odnosno 25.739,95 KM sa uračunatim PDV-om.

Član 2.

Ovom Odlukom stavlja se van snage Odluka o izboru drugorangiranog ponuđača za pružanje usluge izrade projektne dokumentacije za izgradnju, rekonstrukciju i sanaciju puteva na području općine Vogošća broj: 07-11-327/24 od 25.04.2024. godine.

Član 3.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 23.02.2024. godine donio Odluku o pokretanju Otvorenog postupka nabavke usluge izrade projektne dokumentacije za izgradnju, rekonstrukciju i sanaciju puteva na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 29.02.2024. godine pod brojem: 1353-1-2-33-3-46/24.

Sažetak Obavještenja o nabavci objavljen je u "Službenom glasniku BiH" broj: 17/24 od 08.03.2024. godine.

Nakon provedene Zakonom propisane procedure, te nakon provedene E-aukcije, Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-327/24 od 19.04.2024. godine kojom je kao najpovoljniju ponudu u Otvorenom postupku nabavke usluge izrade projektne dokumentacije za izgradnju, rekonstrukciju i sanaciju puteva

na području općine Vogošća ocijenila ponudu ponuđača "Industroprojekt" a.d. Prijedor, sa ponuđenom ukupnom cijenom nabavke u iznosu od 21.999,96 KM bez uračunatog PDV-a, odnosno 25.739,95 KM sa uračunatim PDV-om.

U skladu sa tačkom 7.1.3. TD. izabrani ponuđač je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1. TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca. Ako ponudu dostavlja fizičko lice kao preduzetnik, dužan je dostaviti uvjerenje koji glasi na ime vlasnika – preduzetnika;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti. Ako ponudu dostavlja fizičko lice kao preduzetnik, dužan je dostaviti samo uvjerenja od nadležnog organa uprave da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.3.TD moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.3.TD je bio 24.04.2024. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda svim ponuđačima koji su učestvovali u postupku dostavljena dana 19.04.2024. godine.

U ostavljenom roku izabrani ponuđač "Industroprojekt" a.d. Prijedor nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 01-244/24 od 09.04.2024. godine.

Komisija za javne nabavke Općine Vogošća je Zapisnikom o pregledu i ocjeni ponuda broj: 07-11-327/24 od 18.04.2024. godine utvrdila Rang listu u Otvorenom postupku nabavke usluge izrade projektne dokumentacije za izgradnju, rekonstrukciju i sanaciju puteva na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Industroprojekt" a.d. Prijedor	21.999,96	25.739,95
2	"Radis" d.o.o. Istočno Sarajevo	22.000,00	25.740,00
3	"Smajić-inženjering" d.o.o. Goražde	35.700,00	41.769,00

4	"Ipsa institut" d.o.o. Sarajevo	38.000,00	44.460,00
5	Institut za građevinarstvo "IG" d.o.o. Banja Luka	40.743,90	47.670,36

Shodno iznesenom, Komisija za javne nabavke postupajući u skladu sa odredbama člana 72. stav 3. pod a) Zakona o javnim nabavkama BiH ("Službeni glasnik BiH", broj 39/14 i 59/22) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ" je jednoglasno dala preporuku Općinskom načelniku da se donese Odluka o izboru drugorangiranog ponuđača i da se Okvirni sporazum za pružanje usluge izrade projektne dokumentacije za izgradnju, rekonstrukciju i sanaciju puteva na području općine Vogošća dodijeli ponuđaču "Radis" d.o.o. Istočno Sarajevo, kao drugorangiranom na Rang listi, sa ponuđenom ukupnom cijenom nabavke u iznosu u iznosu od 22.000,00 KM bez uračunatog PDV-a, odnosno 25.740,00 KM sa uračunatim PDV-om.

Općinski načelnik na osnovu preporuke Komisije za javne nabavke je dana 25.04.2024. godine donio Odluku o izboru drugorangiranog ponuđača broj: 07-11-327/24, kojom je kao najpovoljnija drugorangirana ponuda sa Rang liste, u Otvorenom postupku nabavke usluge izrade projektne dokumentacije za izgradnju, rekonstrukciju i sanaciju puteva na području općine Vogošća ocijenjena ponudu ponuđača "Radis" d.o.o. Istočno Sarajevo, sa ponuđenom ukupnom cijenom nabavke u iznosu u iznosu od 22.000,00 KM bez uračunatog PDV-a, odnosno 25.740,00 KM sa uračunatim PDV-om.

Na predmetnu Odluku izjavljena je žalba od strane ponuđača "Industroprojekt" a.d. Prijedor broj: 01-280/24 od 26.04.2024. godine.

Razmatrajući Žalbu Komisija za javne nabavke je konstatovala da je ista dopuštena, blagovremena i izjavljena od strane ovlaštene osobe.

U obrazloženju svoje Žalbe žalilac "Industroprojekt" a.d. Prijedor navodi sljedeće:

"Žalilac je ustanovio da Ugovorni organ nije izvršio pravilnu evaluaciju ponuda, te da je ponuda ponuđača "Industroprojekt" a.d. Prijedor, nepravilno odbačena iz sljedećih razloga:

- Nakon zaprimanja Odluke o izboru najpovoljnijeg ponuđača broj: 07-11-327/24 od 19.04.2024. godine Žalilac prema obrazloženju Ugovornog organa nije dostavio dokaznu dokumentaciju iz člana 45. stav 2. ZJN, no međutim Ugovorni organ nije niti pravilno evaluirao ponudu Žalioca te nije utvrdio da je Žalilac u sklopu svoje ponude dostavio kompletnu dokaznu dokumentaciju traženu TD, a sve u skladu sa članom 45. ZJN BiH.

Naime, Žalilac je uz svoju ponudu broj: 01-244/24 od 09.04.2024. godine dostavio ovjerene kopije dokazne dokumentacije iz člana 45. stav 2. Zakona, a u skladu sa članom 7.1.3. TD, tako da nakon Odluke o izboru najpovoljnijeg ponuđača broj: 07-11-327/24 od 19.04.2024. godine nije bilo potrebe za ponovnim dostavljanjem istih".

Detaljnim uvidom u žalbene navode Žalitelja "Industroprojekt" a.d. Prijedor Komisija za javne nabavke je iste ocijenila opravdanim iz sljedećeg razloga:

Uvidom u ponudu ponuđača "Industroprojekt" a.d. Prijedor broj: 01-244/24 od 09.04.2024. godine (strana 27-39 Ponude) utvrđeno je da je ponuđač uz svoju ponudu zaista dostavio svu traženu dokumentaciju iz tačke 7.1.3. TD, propisanu članom 45. stav 2. Zakona, te da je došlo do greške tj. previda u radu službenika za javne nabavke koji su vodili predmetni postupak javne nabavke.

Shodno gore iznesenom, uz uvažavanje navoda iz žalbe Žalitelja "Industroprojekt" a.d. Prijedor broj: 01-280/24 od 26.04.2024. godine, a postupajući po navedenim utvrđenim činjenicama predmetnog slučaja, Komisija za javne nabavke predmetne navode Žalioca je smatrala u potpunosti osnovanim, te je sljedom toga Ponuda ponuđača "Industroprojekt" a.d. Prijedor prihvatljiva za ugovorni organ.

Komisija za javne nabavke Općine Vogošća je Zapisnikom o pregledu i ocjeni ponuda broj: 07-11-327/24 od 18.04.2024. godine utvrdila Rang listu u Otvorenom postupku nabavke usluge izrade projektne dokumentacije za izgradnju, rekonstrukciju i sanaciju puteva na području općine Vogošća.


Iz navedenih razloga, primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), postupajući u skladu sa članom 100. stav 3. Zakona o javnim nabavkama BiH ("Službeni glasnik BiH", broj 39/14 i 59/22), shodno utvrđenoj Rang listi, a nakon uvažavanja navoda iz Žalbe Žalioca "Industroprojekt" a.d. Prijedor, Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača, i da se Okvirni sporazum za pružanje usluge izrade projektne dokumentacije za izgradnju, rekonstrukciju i sanaciju puteva na području općine Vogošća dodijeli ponuđaču "Industroprojekt" a.d. Prijedor, kao prvoplasiranom na Rang listi, sa ponuđenom ukupnom cijenom nabavke u iznosu 21.999,96 KM bez uračunatog PDV-a, odnosno 25.739,95 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



OPĆINSKI NAČELNIK

Migdad Hasanović

Dostavljeno:

1. "Smajić-inženjering" d.o.o. Goražde
2. "Industroprojekt" a.d. Prijedor
3. "Ipsa institut" d.o.o. Sarajevo
4. Institut za građevinarstvo "IG" d.o.o. Banja Luka
5. "Radis" d.o.o. Istočno Sarajevo
6. "Tracest" d.o.o. Sarajevo
7. Nadležnoj Službi
8. U dosije
9. a/a

smajicinzenjering.centrala@gmail.com
industroprojektprijedor@gmail.com
info@ipsa-institut.com
info@institutig.ba
radis.doo@gmail.com
info@tracest.ba